



कुड़िपुंजी रे आइन रेया इनितु

उन्मुख :-

हिन्दु आइन लेकाते, मियाद कुड़ि अपन: जिवाने परियाड़ा रे ओकोआ गे जअना नाम जदा, इना अएआ कुड़िपुंजी कजियो तना। कुड़िपुंजी बितर मियाद कुड़िअ ती ते अएआ अंड़ादि सिदा, अंड़ादि सोमए, होन होबा जन सोमर ओड़ो: अ:ए सगाते नामा कन सोबेन लेकन सेसेन, कसेसेन सम्पोति, दान लेकना को हितु: तना। कुड़िपुंजी, दहेज अते निया कजि रे बिन्गा मेन: चि निया मियाद कुड़ि के अएआ अड़ादि सिदा च अड़ादि तयोम ते अपन: मोने लेकाते ओमो: तना ओड़ो: निया रेया मोटाइत मेनेया जान कजि वानो: जना।

कुड़िपुंजी रेया माने

कुड़िपुंजी बरिया टुं 'कुड़ि' चाहे मियाद कुड़ि होड़ो ओड़ो: 'पुंजी' चाहे सम्पोति ते जोनोमा कना। ने लेकाते बरन हुं किन जमा लेरे कुड़िपुंजी रेया माने कुड़िअ सम्पोति होबाव तना। जेता किसिम रेया सेसेन ओड़ो: कसेसेन सम्पोति चिल्का चि टाका-पाएसा, सोना गहना को, जमा, निवेश नमो: तेया चाहे दो जान रूप रे गे होबाव कुड़िपुंजी होबा दड़ियोअ। प्रतिभा रानी बनाम सुरज कुमार किना मामला रे तइन कुड़िपुंजी होबा दड़ियोअ। प्रतिभा रानी बनाम सुरज कुमार रेया मामला रे माननीय हाई कोर्ट लतर रे ओलाकन जिनिस को कुड़िपुंजी रे जोगाव तदा -

- अंड़ादि दिपिला ओमाकन दान।
- कनेयां विदाई नेग चाहे जब कनेया अपन: ँंगा-अपु ओड़ो: ते अपन: किसाना ओड़ो: सेनो: तना, एन सोमए ओमा कन दान।
- हजार ओड़ो: होंजार किन सगाते कनेया कटा आबुड केयाते आशीर्वाद नमे सोमए अपन: दुलाड़ा लेले रिका मेन्ते ओम तद् दान।
- कनेया अपु सगाते ओमाकन दान।
- कनेया ँंगा सगाते ओमा कन दान।
- कनेया हगा सगाते ओमा कन दान।

कुड़िपुंजी चिल्का ते नमो: तना :-

हिन्दु बारिसान आइन, 1950 रेया धारा-14 लेकाते जब तक कि चि जुगुजु, दान, डिक्री, आदेश च अवार्ड रेया शर्त को रे एटा: अलोका वर्णन कनो: क, मियाद कुड़ि सगाते लतर रे ओलाकन सोता को ते

नमाव्यन सम्पोति अएआ बेगर हेनेकद सम्पोति होबावा। इना मेन्ते ने लेकन सम्पोति अरजाओ रेया सोता लतर रे ओलाकना को रे सोबेन च एन लेकना को होबा दड़ियोअ।

1. दान (सेसेन ओड़ो: क सेसेन सम्पोति बरना) निया चाहे अंडादि सिदा, अंडादि दिपिला च अंडादि होबा जन तयोम ते नमा कनो: क।
2. परिवार रेया हनाटिंग दिपिला मियाद एसकर हिस्सा लेकाते नमा कन सम्पोति।
3. जान सोलानामा हिसाब ते नमा कन सम्पोति।
4. नौकरी, पेशा, बेपार, लेकना को सगाते कमाई तद ओड़ो: जमा तद सम्पोति।
5. अपासुल बदला रे नमा कन सम्पोति।
6. अपन: कुड़िपुंजी ते किरिंग तद सम्पोति।
7. मियाद कुड़ि सगाते विरासत रे नमा कन सम्पोति।
8. जान एटा: किसिम ते अरजाओ तद सम्पोति-डिक्री च अबाई च उल्टा कटजा ते नमा कन सम्पोति।

जोनोडेद आइन को बितर रे दरखास :-

मियाद कुड़िअ कुड़िपुंजी रेया हक आइन लेकाते बञ्चावा कना। हिन्दु वारिसान आइन, 1956 रेया धारा-14 ओड़ो: हिन्दु अंडादि आइन, 1955 रेया धारा 27 किन मिसाते पड़ाव लेरे - “नेता: सान्ते चि जोदि कुड़िपुंजी अएआ किसान च हजार-होंजार ओड़ा: रेन व्योअ कब्जा रे मेन:, इना अएअ ट्रस्टी कजियोअ ओड़ो: कुड़ि सगाते जान सोमए गे आसे जन रे इना के ओम रूआड़ मेन्ते को तोला कना।”

ओड़ा: रेया गोए गोपोए आइन, 2005 रेया धारा-12 ओड़ा: रेया गोए: गोपोए ते सदाओं कन कुड़ि के कुड़िपुंजी रेया हक ओमाइ तना। निया आइन रेया प्रावधान को रेया प्रयोग कुड़िपुंजी उसुल मेन्ते रबाल ते रिका दड़ियोअ। मजिस्ट्रेट मुदाइ पार्टी के सिगिदकनिया कुड़िपुंजी च एटा: सम्पोति च गोनॉवान नमो: सम्पोति ओकोअ मेन्ते इनि: हकदार मेनाइ, तइन नंगेन आदेश ओम दड़िया। ओड़ो: ओड़ा: रेया गोए: गोपोए आइन, 2005 रेया धारा-18 (ii) मेन जदा चि मियाद कुड़ि अपन: कुड़िपुंजी, सोना गहना को ओड़ो: एटा: जरुडुअन जिनिस को के नमे रेया हकदार तनि:। निया आइन बितर रे ‘ओते सान रेया सिनिगिद’ केयो परिभाषा रे तोलाकना।

□□□



प्रकाशन वर्ष : 2019

द्वारा प्रकाशित

झारखण्ड राज्य विधिक सेवा प्राधिकार

न्याय सदन, ए.जी.कार्यालय के समीप, डोरण्डा, राँची, फोन : 0651.2481520, फैक्स : 0651.2482392

ईमेल: jhalsaranchi@gmail.com, वेबसाइट : www.jhalsa.org, यह पाठ्य सामग्री झालसा के वेबसाइट “www.jhalsa.org” पर भी उपलब्ध है।

केवल जागरुकता के लिए